



**Javno preduzeće za upravljanje i održavanje objekata u vlasništvu Općine  
Novo Sarajevo "ONSA" d.o.o. Sarajevo**

Broj: 191/24

Sarajevo, 16.02.2024. godine

Na osnovu člana 100. stav (3) Zakona o javnim nabavkama ("Službeni glasnik BiH", broj: 39/14), a postupajući po žalbi ponuđača "Bent Excellent" d.o.o. Sarajevo na Odluku o izboru najpovoljnijeg ponuđača broj: 148/24 od 06.02.2024. godine, Direktor *d o n o s i*:

### **R J E Š E N J E**

1. Usvaja se u cjelosti žalba ponuđača "Bent Excellent" d.o.o Sarajevo na Odluku o izboru najpovoljnijeg ponuđača, broj: 148/24 od 06.02.2024. godine, u postupku Javne nabavke – 97 – Mašina za čišćenje dvorane, za koju je na portalu Javnih nabavki objavljeno Obavještenje o nabavci broj: 20712-1-1-49-3-4/23 dana 22.12.2023. godine.
2. Stavlja se van snage Odluka o izboru najpovoljnijeg ponuđača broj: 148/24 od 06.02.2024. godine i Zapisnik o ocjeni ponuda broj: 135-1/24 od 02.02.2024. godine u postupku Javne nabavke – 97 – Mašine za čišćenje dvorane kojom je ponuđač "Kamer Commerce" d.o.o Ilidža izabran kao najpovoljniji ponuđač na osnovu kriterija "*Ekonomski najpovoljnija ponuda*".
3. Donosi se odluka o izboru najpovoljnijeg ponuđača u skladu sa Zapisnikom o ponovnoj ocjeni ponuda broj: 177/24 od 15.02.2024. godine u postupku Javne nabavke – 97 – Mašine za čišćenje dvorane, kojom se ugovor dodjeljuje ponuđaču "Bent Excellent" d.o.o Sarajevo na osnovu kriterija "*Ekonomski najpovoljnija ponuda*".
4. Ovo Rješenje stupa na snagu danom donošenja i dostavit će se svim ponuđačima koji su učestvovali u predmetnom postupku Javne nabavke u skladu sa članom 100. stav (3) Zakona o Javnim nabavkama BiH ("Službeni glasnik BiH", broj: 39/14).

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 1216/23 od dana 22.12.2023. godine. Javna nabavka je provedena putem "**otvorenog postupka**". Rok za prijem ponuda je određen za dan 30.01.2024. godine do 10:00 sati, a otvaranje ponuda isti dan u 11:00 sati. Ukupno je pristiglo 5 (pet) ponuda, a utvrđeno je da nije bilo neblagovoremeno pristiglih ponuda.

Komisija za provođenja postupka javne nabavke, imenovana Odlukom Direktora Preduzeća broj: 1217/23 od 22.12.2023. godine, je pregledom i ocjenom ponuda utvrdila da su ponude ponuđača:

- 1) "Nexis" d.o.o Sarajevo,
- 2) "Prox" d.o.o Blažuj,
- 3) "Kamer Commerce" d.o.o Ilidža,
- 4) "Bent Excellent" d.o.o Sarajevo,
- 5) "Imanager" d.o.o Sarajevo,

, kvalifikovane i prihvatljive, te kao takve su unesene u informacioni sistem Agencije za javne nabavke za



*Javno preduzeće za upravljanje i održavanje objekata u vlasništvu Općine  
Novo Sarajevo "ONSA" d.o.o. Sarajevo*

provođenje e-aukcije. E-aukcija je zakazana za 30.01.2024. godine u 13:30 sati. E-aukcija je provedena u zakazano vrijeme, a rezultati e-aukcije su kako slijedi:

R.b.	Naziv ponuđača	Konačna cijena u KM bez PDV-a	Umanjenje cijene	Konačni garantni rok Mjesec (i)	Konačni rok isporuke Dan (a)	Konačni broj bodova	Konačni rang
1.	Kamer Commerce d.o.o	11.410,00 KM	28,6 %	24	1	97,00	1
2.	Bent Excellent d.o.o	11.500,00 KM	23,29 %	25	1	96,95	2
3.	Prox d.o.o	13.000,00 KM	18,75 %	24	15	74,43	3
4.	Nexis d.o.o	14.684,00 KM	7,41 %	25	30	67,39	4
5.	Imanager d.o.o	16.000,00 KM	0 %	30	10	66,41	5

Komisija za javne nabavke je dana 02.02.2024. godine, dostavila direktoru JP "ONSA" d.o.o Sarajevo Preporuku za izbor najpovoljnijeg ponuđača broj: 137/24. Direktor je na osnovu Preporuke Komisije donio Odluku o izboru najpovoljnijeg ponuđača broj: 148/23 dana 06.02.2024. godine. Dana 12.02.2024. godine, JP "ONSA" d.o.o Sarajevo je zaprimilo žalbu od strane ponuđača "Bent Excellent" d.o.o Sarajevo broj: 173/24, na Odluku o izboru najpovoljnijeg ponuđača broj: 148/24 od 06.02.2024. godine.

Komisija u predmetnom postupku javne nabavke Ugovornog organa pristupila je provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se pristupilo njenom rješavanju, a odnose se na uslovljene pretpostavke u skladu sa članom 100. stav (1) Zakona o javnim nabavkama, odnosno na dopuštenost, blagovremenost i izjavljenost od ovlaštene osobe.

Komisija u predmetnom postupku javne nabavke je utvrdila **da je žalba blagovremena, dopuštena i izjavljena od ovlaštene osobe.**

Razmatrajući sve navode iznesene u žalbi, Komisija u predmetnom postupku javne nabavke je 14.02.2024. godine, pristupila ponovnom pregledu i ocjeni ponuda, pri čemu je utvrdila da je žalbeni navod žalitelja "Bent Excellent" d.o.o Sarajevo **opravdan, odnosno da je žalba osnovana.** Shodno tome, Komisija je sastavila Zapisnik o ponovnom pregledu i ocjeni ponuda broj: 177/24 od dana 15.02.2024. godine.


Naime, žalitelj "Bent Excellent" d.o.o Sarajevo je podnio žalbu na izvještaj sa e-aukcije i bodovanje prvorangiranog ponuđača "Kamer Commerce" d.o.o Ilidža, a žalbu zasniva na slijedećem:

**"Ponuđač "Kamer Commerce" d.o.o Ilidža na izvještaju e-aukcije ima 97 bodova, međutim kada pogledamo tendersku dokumentaciju i način bodovanja vidimo da ne može imati više od 95 bodova. Greška je napravljena pri dodjeljivanju bodova za Garantni rok. U tenderskoj dokumentaciji stoji:**

**"Ugovorni organ je odredio minimalni garantni rok od 18 mjeseci od dana isporuke. Ponuda ostvaruje bodove u skladu sa:**

- **Garantni rok iznad 24 mjeseci = 15 bodova**
- **Garantni rok od 18 do 24 mjeseci = 10 bodova**
- **Garantni rok od 12 do 18 mjeseci = 6 bodova.**

**S obzirom da je "Kamer Commerce" d.o.o Ilidža dao garanciju od 24 mjeseca, što je u rangu da dobije maksimalno 10 bodova, ne može imati više od 10 bodova na osnovu garancije. Samim tim gubi najmanje 5 bodova po ovom osnovu, a ako je maksimalan broj bodova 100, to znači da on ne može imati više od 95 bodova."**



**Javno preduzeće za upravljanje i održavanje objekata u vlasništvu Općine  
Novo Sarajevo "ONSA" d.o.o. Sarajevo**

Komisija je ponovnim pregledom i ocjenom ponuda na osnovu izvještaja nakon provedene e-aukcije, a u skladu sa tenderskom dokumentacijom utvrdila da je ovaj žalbeni navod žalitelja u cijelosti osnovan, odnosno da se usvaja u potpunosti.

Ocjena ponuda i kriterij za dodjelu ugovora, kao i formula za ocjenu ponuđača definisani su u tenderskoj dokumentaciji broj: 1218/23 stranice 15 – 16, te je na osnovu istih izvršeno ponovno bodovanje. Rang lista nakon ponovne ocjene ponuda nakon završene e-aukcije, izgleda kako slijedi:


R.b.	Naziv ponuđača	Konačna cijena u KM bez PDV-a	Konačni garantni rok Mjesec (i)	Konačni rok isporuke Dan (a)	Konačni broj bodova	Konačni rang
1.	Bent Excellent d.o.o	11.500,00 KM	25	1	99,45	1
2.	Kamer Commerce d.o.o	11.410,00 KM	24	1	95,00	2
3.	Prox d.o.o	13.000,00 KM	24	15	91,60	3
4.	Imanager d.o.o.	16.000,00 KM	30	10	79,70	4
5.	Nexis d.o.o	14.684,00 KM	25	30	75,60	5

Na osnovu naprijed navedenog, Komisija za javnu nabavku – 97 – Mašina za čišćenje dvorane je ponovnim pregledom i ocjenom ponuda utvrdila da ponuđač "Kamer Commerce" d.o.o ne može biti izabran kao "Ekonomski najpovoljniji ponuđač", te je predložila dodjelu ugovora ponuđaču "Bent Excellent" d.o.o. Sarajevo, te je u skladu sa članom 100. stav (3) Zakona o javnim nabavkama odlučeno kao u dispozitivu ovog rješenja.

Po okončanju roka za žalbu, Ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

**POUKA O PRAVNOM LIJEKU:** Protiv ovog Rješenja dozvoljena je žalba URŽ-u u roku od 5 (pet) dana od dana prijema Rješenja, putem Ugovornog organa.



Direktor  
  
Anel Tahirbegović

Dostaviti:

1. Ponuđaču: "Kamer Commerce" d.o.o. Ilidža,
2. Ponuđaču: "Bent Excellent" d.o.o. Sarajevo,
3. Ponuđaču: "Prox" d.o.o. Blažuj,
4. Ponuđaču: "Nexis" d.o.o. Sarajevo,
5. Ponuđaču: "Imanager" d.o.o. Sarajevo,
6. Službi za finansije, računovodstvo i javne nabavke,
7. Oglasna ploča (web),
8. Arhiva.